



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Rvperti Abbatis Monasterii Tuitiensis, ordinis sancti
Benedicti, Theologi antiqui ac plane clarissimi, in Cantica
Canticorum de incarnatione Domini commentario[rum],
libri VII**

Rupertus <Tuitensis>

[Köln], 1527

VD16 B 3703

Memores uberum tuorum super uinu[m] recti diligunt te.

urn:nbn:de:hbz:466:1-34445

RVPERTI IN CANT. CANTIC. CA.
Non enim introductio qualiscunq; hæc debet in-
telligi, sed introductio cum iure possidendi: sicut
ius est sponsam legitimam, cum tabulis matri-
monij in dotem suam introduci. Quid ad hæc il-
la Elizabeth, cum istud intus aure cordis pene-
pisset?

¶ Exultabimus & lætabimur in te.

Luca. i.

¶ Hoc uere dixit, & cum magno clamore dixit,
Ait enim uoce magna: Benedicta tu inter mulie-
res, & benedictus fructus uentris tui. Et unde
hoc mihi ut ueniat mater domini mei ad me? Ec-
ce enim ut facta est uox salutationis tuæ in auribus
meis: exultauit infans in gaudio in utero meo: Et
beata, quæ credidisti, quoniã perficietur ea quæ
dicta sunt tibi a domino. Nonne hoc erat dicere
exultabimus & lætabimur in te? Iam enim inci-
pimus ego & infans in utero meo exultare in gau-
dio, a uoce salutationis tuæ. Ex hoc & nos, & qui
uēturi sunt post nos, exultabimus & lætabimur
in te: & cantabimus dicentes, quia Eua nos fe-
cit plorare, Maria nos fecit exultare, Nam quod
illa tristis abstulit, tu reddis almo germine: Igitur
co exultabimus & lætabimur in te. Quomodo
in te? Dicam paulo expressius.

¶ Memores uberum tuorum super uirginem
recti diligunt te.

Luca. ii.

¶ Hæc est & erit materia uel causa exultationis
uel lætitiæ nostræ in te, memoria uberum tuo-
rum, quia uirginis uberibus lactasse illum pre-
dicaberis qui creauit te: Dicemus enim: Beatus
uenter qui te portauit Christe, & beata ubera
laxisti, Et si aliud quid mysticum per ubera te

COMMENTARIO, LIB. I.

Et potest intelligi, attamen causa ista cunctis erit amabilis, quia is, qui angelos suae uisionis dulcedine pascit: tua o felix ubera suxit. ¶ Huius rei memores super uinum, id est, super omne quod in hoc seculo dulce uidetur aut iocundum, recti diligunt, id est, certissime diligunt te. ¶ Rectorum illorum primus est & erit infans iste, qui a uoce salutationis tuae, qua salutasti me: iam exultauit in gaudio in utero meo & laetatur in te. Iam coepit exultare & laetari in te, & exultare non desinet, memor uberum tuorum super uinum, id est, omne seculum respuens & carnalis uoluptatis commertium, uirum se deo dedicans uirginem, propter uberum tuorum lac dulcissimum, quae uidelicet ubera tua de caelo plena lacte uirgineo lactauerunt deum. ¶ Quod multi utriusque sexus, propter hoc ita te diligunt & similiter facient. Num paruum est hoc memorale tuum? Immo inter omnia quaecumque fecit deus memorabilia, praecipuum & omnis creaturae expectatione est dignum, quod is, qui angelorum cibus est, homo factus ex te propter homines, tuis uberibus lactari dignatus est. ¶ Recti ergo, hoc ipso, quod recti sunt, quod non inuidi, immo beniuoli sunt, memores uberum tuorum, diligunt te. Quis fructus dilectionis huius? Quae merces aut quod praemium? Abundantia. Dicit enim spiritus sanctus in psalmo. Rogate quae ad pacem sunt Hierusalem, & abundantia diligentibus te. Cuius rei abundantia diligentibus te o sancta Hierusalem, nisi eius quae diligitur in te. Tale est bonum tuum, bonum uidelicet a deo datum, ut quae diligendo facere possit, & faciat esse suum.

B

Sup uinū.

Memores
uberum tuo
rum

Recti dili
gunt te.

Psal. 121

RVP. IN CAN. CANT. CA. I.

Diligendo ergo in te, quod mater es domini, fide-
lis anima & ipsa mater fit, Ipse enim meus (in-
quit) & frater & soror & mater est: quicumque
fecerit uoluntatem patris mei qui in coelis est.

Cuius uidelicet paternae uoluntatis si summam
querimus, credere, sperare, & diligere est. Non ergo
paruo pro praemio, habendo fidem recti sumus
habendo spem memores sumus, habendo chari-
tatem te diligimus.

¶ Sequitur,

¶ Nigra sum sed formosa, filiae Hierusa-
lem, sicut tabernacula Cedar: sicut pellis
Salomonis. Nolite me considerare, quod
fusca sim: quia decolorauit me sol.

¶ Res ipsa exigit ut quaeramus, quousque uel qua-
diu beata uirgo Maria mansit cum illa Elizabeth
cognata sua. Vtique mensibus tribus, sere usque ad
Elizabeth tempus pariendi impletur. Ille nam-
que mensis sextus erat illi, quae uocabatur steri-
lis, quando Maria nuncio bono impleta, exur-
gens, abiit cum festinatione in domum Zacha-
riae. & salutauit Elizabeth. Maria autem man-
sit (inquit Euangelista) cum illa quasi mensibus
tribus, & reuersa est in domum tuam. Statim
que subiungit. Elizabeth autem impletum est te-
pus pariendi, & peperit filium. ¶ Ergo Maria
non erat illic, quando Elizabeth peperit filium.
Cur (quaeso) non interfuit? Cur tanti gaudij, tan-
tae exultationis festiuitatem non expectauit?

Lucæ. I

Cur Mari-
a non inter-
fuit partui
Elizabeth